



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1860**

VI. Markgraf Woldemar bestätigt dem Kloster Marienwalde die Begabung seines Vaters und vereignet demselben die Güter Klosterfelde, Bernsee, Abteshagen, Meusdorf, Neuen Plagow, Rechentin und ...

---

---

**Nutzungsbedingungen**

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

Claustro, quod Marienwalde nominatur, in quo sepulturam elegimus deuoti, Contulimus in villa nostra Reddentin decem mansos cum omni Jure ad altare beatorum angelorum, in quo singulis diebus vel ad minus semel in heptomada debet missa pro defunctis iugiter celebrari tali Jure, vt in illis nullam grandiam construant et illa interposita Cautione, quod si nos vel nostri heredes dictos mansos redimere decreuerimus, LX talenta Brandenb. denar. exsoluemus pro eisdem, Cum aut XXX talenta exsoluerimus, quinque retinebimus mansos; Postquam vero alia XXX talenta dederimus, integraliter ad nos reuertantur. Extunc ad predictum altare alios X mansos apponere non retardent. Insuper nos et omnes parentes nostros non solum participes esse fecerunt misse illius altaris antedicti, Sed omnium missarum, que singulis diebus ad gloriam et honorem Clementissimi Dei in dicto Claustro leguntur et canuntur et omnium orationum et operum misericordie, que ab eis et in futurum a posteris eorum ad reuerentiam Saluatoris nostri et gloriosissimi genetricis sue et omnium sanctorum suorum suffragantur seu persoluuntur. Testes huius donationis sunt dominus Jo. prepositus de Curicou et dominus Henricus, prepositus de Bernstein et Dominus Petrus de Kulitzdorff, Sacerdotes et dominus W. de Wedele, senior, et dominus Hasso de Wedele in Kremtzo, milites, et Ludouicus de Wedele, filius Ludolphi de Wedele, senioris, et alii quamplures fidedigni. Ne igitur in posterum aliquibus scrupulus aliquis seu dubium super ista donatione oriatur, In huius rei testimonium presens scriptum nostri Sigilli munimine fecimus roborari. Datum anno domini M<sup>o</sup>. CCC<sup>o</sup>. quinto, in octauo beatorum Apostolorum Petri et Pauli.

Aus dem Marienwalder Copialbuche. Fol. 98.

VI. Markgraf Woldemar bestätigt dem Kloster Marienwalde die Begabung seines Vaters und vereignet demselben die Güter Klosterfelde, Bernsee, Abteshagen, Neusdorf, Neuen Plagow, Rechentün und Lamprechtzdorf, am 25. September 1305.

Woldemarus, dei gratia Brandenburgensis, Lusatie et de Landelbergk Marchio. Vniuersis presens scriptum visuris seu auditoris salutem atque noticiam subscriptorum. Necessaria est rerum gestarum descriptio, ne posteri obliuione moti denegare valeant maturo priorum consilio stabilita. Quapropter constare volumus vniuersis, tam presentis quam futuri temporis, et ad singulorum noticiam tenore presentium peruenire, Quod nos considerantes esse pium et salubre indigentibus subuenire et maxime hiis, qui ob amorem et dilectionem Dei seculo et voluntati proprie renunciarunt. Propter quod quidem in remissionem nostrorum peccatorum et salutem animarum nobis carorum, videlicet dominorum Conradi patris et Johannis fratris nostri, quondam de Brandenburg Marchionum felices recordationis, dedimus et donamus dilectis nobis in Christo fratribus ordinis Cystericiensis in Claustro Marienwolde penitentibus larga donatione vniuersaliter singula et singulariter vniuersa ea bona scilicet Trecentos mansos agrorum iuxta stagnum et nemus Starutz, Et ducentos mansos iuxta idem stagnum pro pascuis habendis, que carissimi Nobiles videlicet domini Otto, patruus, et Conradus, pater noster eisdem fratribus iusto ac legitimo proprietatis titulo liberaliter donauerunt, eodem titulo possidenda perenniter et habenda. Recognosci-

mus etiam quod predictis fratribus proprietatem villarum dedimus subscriptarum scilicet Closterfelde, Berenfehe, Abbeteshagen et proprietatem ville Meufdorp, quam iidem fratres erga predictos patrum et patrem nostrum pro octoginta marcis argenti iusto emptionis titulo compararunt, Et eadem villa mansos sexaginta et quatuor retinebit. Item proprietatem ville Nienplawen ipsis fratribus donauimus, quam fideles uiri Hafso, Zules et Ludolphus, milites, de Wedele dicti, sue ecclesie donarunt, que etiam Sexaginta et quatuor mansos habebit. Predicta vero villa Meufdorp in mirica et aquis tot mansos habebit. Protestamur etiam, quod predictis fratribus proprietatem stagnorum erogauimus subscriptorum scilicet Stagnum Starutz, Colsin, Berbenick, Netzstube, Bernfehe, magnum Zlawe, Reddentiwe, Et contulimus iisdem alia Stagna inter terminos predictae proprietatis sita et riuiolos iuxta eosdem terminos desfluentes et piscationem per ascensum Drawe a vado, qui dicitur vulgariter Steinwort, per miliare et dimidium obtinebunt. Item dedimus ipsis liberam facultatem habendi Iudicia Ita ut tam maiora quam minora per suos economos exercere valeant Iudicia in prehabita proprietate. Demum omnes libertates, quas fratres de Colbatz in suis noscuntur habere bonis, scilicet in villis, agris, cultis et Incultis, siluis, pratis, pascuis, fluminibus, Riuiulis, stagnis, aquis, piscationibus, molendinis, damus supradictis fratribus, Et concedimus ut in suis bonis easdem habeant et hoc presentis scripti patrocinio confirmamus. Ceterum profiteamur, quod predictis fratribus in Marienwolde donauimus proprietatem villarum Reddentine et Lamprechtsdorff, Quarum quelibet sexaginta et quatuor mansos habebit, et eo Jure ipsi fratres ipsis perfruentur, quo superius exprimitur et habetur, Hoc duntaxat excepto, Quod Joannes, de vogedesdorff dictus, in Lamprechtsdorff aliquos mansos feudales habens, de quibus nobis seruicium exhibebit. Quos si vendiderit, cum pecunia sibi de eisdem cedente Idem alias feudum sub nostro dominio comparabit, de quo nobis ut prius pensum faciet seruitutis. Cum forsitan eidem aliud feudum contulerimus, tunc ad huiusmodi emptionem nullatenus astringetur. Collatio tamen eiusdem feudi predictae ecclesie perpetuo remanebit. Vnde si ipsum Joannem vel aliquem suorum successorum, quem predictum feudum contingere poterit, absque herede mori contigerit, extunc idem feudum ad predictam ecclesiam deuoluetur. Item concedimus licentiam dictis fratribus, ut in molendino in terminis Arnswalde sito cum vna rota adhuc absque pacto libere valeant apponere vnam rotam. In quorum testimonium presens Scriptum duximus nostri Sigilli robore muniendum presentibus testibus idoneis, videlicet nostris fidelibus Ludolpho de Wedele, Henrico de Stegelitz et Nicolao de Buck, nostre Curie Dapifero, et Hafsonne de Wedele, Aduocato, militibus, et aliis quampluribus fidedignis. Actum et datum Dubegnewe, Anno Dominini M<sup>o</sup>. CCC<sup>o</sup>. V<sup>o</sup>., in Sabbato ante festum Sancti Michaelis.

Aus dem Marienwalder Copialbuche. Fol. 2.